

TARIKH: 24 FEBRUARI 2022

SURAT KHABAR: SINAR HARIAN

MUKA SURAT: 19

## Majikan aniaya pembantu rumah asing akan disenarai hitam - Saravanan

**SHAH ALAM** - Mana-mana majikan yang dikenal pasti menafikan hak-hak kebajikan Pembantu Rumah Asing (PRA) sebagai pekerja termasuk melakukan penganiayaan akan disenarai hitam dan tidak dibenarkan menggajikan PRA pada masa akan datang, kata Menteri Sumber Manusia, Datuk Seri M Saravanan.

Beliau berkata, kerajaan tidak akan berkompromi dengan majikan yang didapati mengambil kesempatan ke atas PRA seperti tidak membayar gaji.

Menurutnya, meskipun kejadian kes penganiayaan terhadap PRA agak terpencil, namun ia telah menjejaskan imej dan nama baik negara.

"Contoh terbaharu ialah laporan dalam satu portal media yang menyatakan seorang PRA warga Indonesia tidak dibayar gaji meskipun telah berkhidmat selama 12 tahun.



SARAVANAN

"Perkara ini juga turut menjejaskan usaha kerajaan dalam memuktamadkan memorandum persefahaman (MoU) penggajian PRA dengan negara sumber seperti Indonesia dan Kemboja.

"Isu sebegini jugalah yang telah menyebabkan MoU dengan kerajaan Indonesia tertangguh dan tidak diperbaharui sejak tahun 2016," katanya da-

*Isu sebegini jugalah yang telah menyebabkan MoU dengan kerajaan Indonesia tertangguh dan tidak diperbaharui sejak tahun 2016."*

lam satu kenyataan pada Rabu.

Beliau berkata, menteriannya dan Kementerian Dalam Negeri akan terus bekerjasama untuk menangani isu-isu membabitkan penganiayaan terhadap PRA.

"Sehingga 31 Januari 2022, jumlah pekerja asing adalah seramai 1,157,481 orang dengan jumlah PRA adalah 86,084 orang. Majoriti PRA adalah dari Indonesia (59,605) diikuti Filipina (22,803), Vietnam (1,031), Kemboja (976) dan lain-lain," katanya.